

LEIFSSTAÐIR 2

Eyjafjarðarsveit

*Verslunar- og þjónustusvæði*

**DRÖG AÐ DEILISKIPULAGI OG UMHVERFISSKÝRSLU**

20. maí 2021



---

**TEIKNISTOFA  
ARKITEKTA**

GYLFÍ GUÐJÓNSSON  
OG FÉLAGAR ehf.  
arkitektar fai

# EFNISYFIRLIT

<b>1</b>	<b>YFIRLIT.....</b>	<b>2</b>
1.1	Skipulagssvæðið .....	2
<b>2</b>	<b>FORSENDUR .....</b>	<b>3</b>
2.1	Stadhættir .....	3
2.2	Fornminjar .....	6
2.3	Aðalskipulag Eyjafjardarsveitar 2018-2030.....	7
2.4	Landsskipulagsstefna 2015-2026.....	8
<b>3</b>	<b>DEILISKIPULAG .....</b>	<b>9</b>
3.1	Markmið .....	9
3.2	Meginatriði .....	9
3.3	Umferðarsvæði .....	10
3.4	Lóðir .....	10
3.5	Almennar gæðakröfur .....	10
3.6	Byggingarreitir.....	11
3.6.1	Íbúðarhús (Íb).....	11
3.6.2	Hótel (H) .....	11
3.6.3	Orlofshús (O) .....	12
3.6.4	Gistihýsi/gestahús (S) .....	12
3.6.5	Aðstöðuhús – snyrtningar (A).....	12
3.7	Tjaldsvæði .....	12
3.8	Ofanvatn .....	13
3.9	Veitur .....	13
3.10	Sorp .....	14
3.11	Framkvæmdaleyfi .....	14
3.12	Byggingarleyfi .....	14
3.12.1	Vinnu- og sérteikningar.....	14
<b>4</b>	<b>UMHVERFISSKÝRSLA .....</b>	<b>15</b>
4.1	Staðreyndir og markmið .....	15
4.2	Aðliggjandi landnotkun .....	15
4.3	Umhverfismat .....	16
4.4	Vöktun .....	17
4.5	Samantekt .....	17
<b>5</b>	<b>KYNNING OG AUGLÝSING .....</b>	<b>18</b>
5.1	Lýsing .....	18
5.2	Samráðsfundur .....	18
5.3	Drög að deiliskipulagi .....	18
5.4	Kynning á drögum .....	18
5.5	Umsagnaráðilar .....	18
5.6	Auglýsing.....	18
5.7	Afgreiðsla athugasemda .....	18
5.8	Breytingar eftir auglýsingu .....	18
<b>6</b>	<b>AFGREIÐSLA OG GILDISTAKA.....</b>	<b>19</b>
<b>7</b>	<b>HEIMILDASKRÁ.....</b>	<b>20</b>

# 1 YFIRLIT


Deiliskipulag þetta nær til hluta jarðar Leifsstaða 2 í Eyjafjarðarsveit og er unnið að beiðni landeigenda. Á Leifsstöðum er rekið hótel og síðustu ár hefur einnig verið rekinn þar golfvöllur. Nýir landeigendur hafa lagt niður golfvöllinn og hafa áform um að stækka hótelin og fjölga gistimöguleikum s.s. með gistiþýsum, orlofshúsum og tjaldgistingu. Einnig er gert ráð fyrir að landeigendur/rekstraraðilar geti reist sér íbúðarhús og aðstöðuhús fyrir starfsfólk.

Skipulagsráðgjafar eru Lilja Filippusdóttir og Árni Ólafsson hjá Teiknistofu arkitekta Gylfi Guðjónsson og félagar ehf.

Skipulagsgögn eru greinargerð þessi með byggingar- og skipulagsskilmálum, skipulagsuppdráttur dags. 20.05.2021 og skýringaruppdráttur dags. 20.05.2021 merkt drög.

## 1.1 SKIPULAGSSVÆÐIÐ

Skipulagssvæðið afmarkast af landamörkum Brúarlands til norðurs, Leifsstaða til vesturs og Fífilgerðis til suðurs. Í austri eru mörk svæðisins dregin eftir núverandi skjólbelti, ofan þess er mólendi og við suðausturhornið er eignarlóð í eigu annarra. Eignarland Leifsstaða 2 eru 13,3 ha en skipulagssvæðið er 7,7 ha.



1. mynd. Yfirlitsmynd af skipulagssvæðinu.

## 2 FORSENDUR

---

### 2.1 STAÐHÆTTIR

Leifsstaðir 2 eru í Kaupangssveit, nokkuð þétri sveita- og frístundabyggð nyrst í Eyjafjarðarsveit. Þar stendur hús byggt árið 1930 auk viðbyggingar. Gamla íbúðarhúsið er rekið sem íbúðarhótel og í viðbyggingunni er matsalur og 7 herbergi. Einnig standa á svæðinu geymslur og reykhús. Í kringum húsið eru tún sem umvafin eru trjá- og runnagróðri. Einnig eru tjarnir, lækjarfarvegir og skurðir á svæðinu. Landhalli er um 13% með brattari hæðum innanum. Hæð yfir sjávarmáli er um 85-125 m.



2. mynd. Vesturhlið hótels.



3. mynd. Austurhlið hótel.



4. mynd. Svæði sunnan hótel. Fyrirhugað bílastæði.



5. mynd. Útsýni til suðurs frá tjaldsvæði



6. mynd. Útsýni til vesturs frá tjaldsvæði.



7. mynd. Séð frá íbúðarhúsalóð til suðausturs að byggingarreitum orlofshúsa.

## 2.2 FORNMINJAR

Deiliskráning fornminja var unnin sumarið 2019 með vettvangsferð og skráningu af Hákoní Jenssyni, fornleifafræðingi. Þrjár minjar voru skráðar en aðeins ein þeirra er innan skipulagssvæðis.



Nr.	Tegund fornleifa og hlutverk	Staða
2053-01	Tóft – Fjárhús/hlaða	Innan skipulagssvæðis. Veggjaleifar af gömlum fjárhúsum.
2053-02	Tóft – Bær	10 m norðan skipulagssvæðis. Greinilegar tóftir.
2053-03	Gerði – Sáðreitur	Norðan bæjartófta. Greinilegir veggir.

Friðhelgunarsvæði fornminja eru 15 m og er lína á skipulagsuppdrætti til skýringar.

Finnist fornminjar sem áður voru ókunnar skal stöðva framkvæmdir og skýra Minjastofnun Íslands frá fundinum svo fljótt sem unnt er sbr. 24. gr. laga um menningarminjar nr. 80/2012.

## 2.3 AÐALSKIPULAG EYJAFJARDARSVEITAR 2018-2030

Unnið er að breytingu á aðalskipulagi í samræmi við uppbyggingaráform.



8. mynd. Updráttur úr tillögu að aðalskipulagsbreytingu. Skipulagssvæðið er á reit VP4.

Kafli verður uppfærður með ákvæðum þegar aðalskipulag hefur verið samþykkt.

## 2.4 LANDSSKIPULAGSSTEFNA 2015-2026

Stefna skipulagsins styður eftirfarandi stefnumið landsskipulagsstefnunnar. Gerð er grein fyrir með hvaða hætti það er gert í undirmálgreinum.

- **Sjálfbær byggð í dreifþýli**
  - Umrætt land telst ekki gott landbúnaðarland s.s. vegna landhalla. Stefna skipulagsins styrkir samfélagið með þeim hætti að sköpuð er atvinna og efnisleg verðmæti á svæðinu.
- **Ferðapjónusta í sátt við náttúru og umhverfi**
  - Áhersla er lögð á að viðhalda anda staðarins með því að styrkja ásýnd gamla hótelsins. Leitast er einnig við að fyrirhugaðar byggingar verði felldar vel að landslagi.

## **3 DEILISKIPULAG**

---

### **3.1 MARKMIÐ**

Markmið með skipulaginu er að opna möguleika á frekari uppbyggingu með fjölbreyttri gistiþjónustu og þannig bæta rekstrargrundvöll þeirrar ferðaþjónustu sem nú er rekin á svæðinu.

Með skipulaginu er reynt að virkja þau umhverfisgæði sem svæðið býður uppá s.s. útsýni, landslag og núverandi gróður.

### **3.2 MEGINATRIÐI**

Meginatriði skipulagsins eru:

- Ný heimreið að hótelinu.
- Viðbygging við hótelið til austurs með nýrri herbergjaálmu og nýju anddyri. Með stækjuninni er myndaður skjólgóður inngarður. Möguleg er áfangauppbygging viðbyggingar.
  - Hótel stækkar úr 400 m<sup>2</sup> í allt að 1.900 m<sup>2</sup> samtals. Grunnflötur byggingarreits er 730 m<sup>2</sup>. Gert er ráð fyrir að gengið verði inn í móttöku á jarðhæð en herbergi verði á 1. og 2. hæð þar sem jarðhæð verður að hluta eða öllu leyti felld inn í brekkuna. Áætluð eru allt að 35 herbergi í heildina.
- Frá aðkomuvegi að hóteli verður hægt að aka um vegslóða að gistiþýsum, íbúðarhúsum, orlofshúsum og tjaldsvæði.
- Allt að tíu 50 m<sup>2</sup> gistiþýsi í brekku norðan hótelsins sem öll njóta útsýnis yfir dalinn.
- Tvö íbúðarhús, allt að 600 m<sup>2</sup> alls, á hæð ofan gistiþýsanna. Þar er gott útsýni til allra átta. Stærð byggingarreits gefur gott svigrúm fyrir útfærslu.
- Þrjú orlofshús efst á skipulagssvæðinu, allt að 150 m<sup>2</sup> hvert.
- Tjaldsvæði, um 4.200 m<sup>2</sup>, á tveimur túnspildum sem sléttar verður úr. Heimild er fyrir 50 m<sup>2</sup> snyrtihúsi. Mögulegt verður að aka út af tjaldsvæðinu til suðurs út á Leifsstaðaveg.
- Íbúðar-/starfsmannahús, allt að 250 m<sup>2</sup>, verður við núverandi heimreið.
- Ofanvatni verður bæði veitt eftir nýjum og núverandi farvegum. Skurðbökkum verður breytt svo ekki skapist af þeim hætta. Vatni verður veitt í nýjar tjarnir sem verða mótaðar með það hlutverk að prýða svæðið og að geta tekið við leysingavatni og mikilli úrkому.

Skipulagið gerir ráð fyrir að mögulegt verði að byggja upp svæðið á ca. 10 árum eða í takt við áform og eftirsurn. Fyrst er áætlað að reisa gistiþýsin í áföngum á 3-4 árum, þá að stækka hótelið og loks byggja orlofshús og íbúðarhús.

### **3.3 UMFERÐARSVÆÐI**

Gert er ráð fyrir nýrri heimreið, um 260 m langri og 5,5 m á breidd. Hafa ber í huga nýja tjörn fyrir ofanvatn við hönnun og hæðasetningu heimreiðarinnar.

Á tveimur bílaplönum er gert ráð fyrir 35 stæðum þar af 2 stæðum fyrir hreyfihamlaða.

Gert er ráð fyrir snúningshaus á planinu sem nýtist sem sleppisvæði fyrir rútur. Rútustæði verður niður við heimreiðina.

Vegslóðar, sem einnig eru göngustígar, eru samtals um 1.000 m langir. Þeir liggja að húsum og að og í gegnum tjaldflatir. Vegslóðarnir eru 3-5,5 m breiðir. Við gistihýsi er gert ráð fyrir 2,5 m breiðri öxl fyrir 1 samsíða bílastæði pr. íbúð.

Gert verður ráð fyrir hleðslu fyrir rafbíla.

### **3.4 LÓÐIR**

Tvær lóðir eru skilgreindar innan landareignarinnar.

Lóð nr. 1 er stór lóð fyrir hótel, gistihýsi og orlofshús. Stærð lóðar er 69.995 m<sup>2</sup>.

Lóð nr. 2 er fyrir tvö íbúðarhús. Mögulegt er að skipta lóðinni þegar fyrirkomulag húsa liggur fyrir og eignarhald breytist. Stærð lóðar er 7.050 m<sup>2</sup>.

### **3.5 ALMENNAR GÆÐAKRÖFUR**

Lögð er áhersla á vandaða hönnun bygginga bæði hvað snertir innri gerð, form og útlit. Hafa skal í huga hagkvæmni, notagildi og gæði. Stefnt er að því að byggingar á svæðinu verði góð byggingarlist og myndi ákveðið samhengi og heild. Hús skulu felld að landi og taka mið af staðháttum.

Við afgreiðslu aðaluppráttu og veitingu byggingarleyfa skal meta þessa þætti sérstaklega og er heimilt að hafna umsókn teljist hún ekki uppfylla almennar og sjálfsagðar kröfur að þessu leyti þó svo að viðkomandi hönnun uppfylli tæknilegar og mælanlegar kröfur reglugerða og skilmála að öðru leyti. Komi upp ágreiningur eða vafaatriði við afgreiðslu getur byggingarfulltrúi/sveitarstjórn leitað álits fagmanna við mat á þessum þáttum hönnunarinnar.

## 3.6 BYGGINGARREITIR

Byggingarreitir eru skilgreindir á deiliskipulagsupprætti og málsettir á mæliblaði eða á afstöðumynd með aðaluppráttum. Hús skulu standa innan byggingarreits. Þó mega þakbrúnir ná allt að 0,6 m út fyrir byggingarreit.


### 3.6.1 ÍBÚÐARHÚS (ÍB)

**Íb-1** Á byggingarreit íb-1 er gert ráð fyrir allt að tveimur íbúðarhúsum á tveimur hæðum.

Kvöð er um sameiginlega aðkomu og fráveitu að húsunum.

Stærð byggingarreits gefur rúma útfærslukosti.

Landhalli er á svæðinu svo mögulegt er að grafa niður neðri hæð byggingar að hluta og fella byggingar þannig að landi. Hámarkshæð bygginga eru 8 m frá gólfkóta jarðhæðar og hámarksbyggingarmagn eru  $600 \text{ m}^2$  á reitnum.



9. mynd. Dæmi um hús sem fellt er að landi.

**Íb-2** Gert er ráð fyrir íbúðarhúsi/starfsmannahúsi á reitnum allt að  $250 \text{ m}^2$  að stærð. Hámarkshæð 5 m yfir gólfkóta byggingar.


### 3.6.2 HÓTEL (H)

**H** Á byggingarreit H er leyfilegt að byggja við núverandi hótels eða reisa stakstæða byggingu allt að  $1.500 \text{ m}^2$  eða 28 herbergi. Grunnflötur byggingarreits er  $750 \text{ m}^2$ . Hámarkshæð byggingar frá gólfkóta jarðhæðar er 12 m.

Vegna landhalla er gert ráð fyrir að jarðhæð verði einhliða til móts við bílastæði en verði niðurgrafin til móts við brekkuna og inngarðinn. Einhliða jarðhæð getur mögulega nýst sem bakrými.

Gólfkóti nýbyggingar verði sá sami og jarðhæð núverandi hótelss.

Minniháttar útbyggingar s.s. kvistir og svalir eru heimilar á eldri byggingu þó ekki sé skilgreindur byggingarreitir um það.




10. mynd. Dæmi um snið í hótelbyggingu með nýbyggingu.

### 3.6.3 ORLOFSHÚS (O)

- O** Þrír byggingarreitir eru fyrir orlofshús. Hámarkshæð þeirra eru 5 m frá gólfkóta. Hámarksbyggingarmagn á hverjum reit er 140 m<sup>2</sup>.

### 3.6.4 GISTIHÝSI/GESTAHÚS (S)

- S** Tíu byggingarreitir eru fyrir gistihýsi/gestahús. Gert er ráð fyrir svefnaðstöðu, snyrtингum og eldunaraðstöðu og stofu í hverju húsi. Hámarkshæð þeirra eru 4 m frá gólfkóta. Hámarksbyggingarmagn á hverjum reit er 50 m<sup>2</sup>.




11. mynd. Dæmi um aðlögun aðkomuvega og gistihýsa að landi.

### 3.6.5 AÐSTÖÐUHÚS – SNYRTINGAR (A)

- A** Á fyrirhuguðu tjaldsvæði er gert ráð fyrir aðstöðuhúsi með a.m.k. tveimur fullbúnnum snyrtингum, þar af einni fyrir fatlaða, og vaski til uppbvotta. Hámarksstærð byggingar eru 20 m<sup>2</sup> og hámarkshæð 4 m yfir gólfkóta.

## 3.7 TJALDSVÆÐI


Mögulegt er að útbúa tvær tjaldflatir úr núverandi túnspildum með landmótun. Eina um 2.400 m<sup>2</sup> að stærð og aðra um 1.800 m<sup>2</sup>. Vegslóði mun liggja frá afgreiðslu hótelss í gegnum flatirnar og út á heimreið Fífilgerðis og Króksstaða.



12. mynd. Dæmi um mótnu á tjaldflöt með skeringu og fyllingu á núverandi túni.

### 3.8 OFANVATN

Lækir, skurðir og tjarnir eru víða á svæðinu. Gert er ráð fyrir að breyta skurðbökkum svo ekki skapist af þeim hætta og útbúa nýja farvegi og tjarnir.



13. mynd. Dæmi um frágang skurða og lækjarfarvega.

Í skipulaginu er lögð fram tillaga að fyrirkomulagi á meðhöndlun ofanvatns.

- Vatni úr drenlögnum við húsgrunna og rigningarvatni frá nýjum húsum verði veitt í opna farvegi.
- Nýr farvegur verði mótaður sunnan við fyrirhuguð gistihýsi.
- Nýr farvegur verði mótaður austan við fyrirhugaða hótelbyggingu sem mun skiptast í tvennt og renna annars vegar í gegnum hótelgarðinn og hins vegar til suðurs í læk.
- Neðan við hótelid og ofan við nýja heimreið verði mótuð tjörn sem taka mun við vatni úr nýjum farvegum. Það mun einnig geta tekið við vatni í leysingum og í mikilli úrkому.

### 3.9 VEITUR

Norðurorka sér svæðinu fyrir heitu og köldu vatni. Ekki er nægt vatn til að anna stækkun á hótelinu m.v. núverandi kerfi en uppbygging verður unnin í samráði við Norðurorku.

Rarik sér svæðinu fyrir rafmagni.

Ein rotþró er fyrir núverandi hótel. Gert er ráð fyrir að stækkað hótel og gistihýsi tengist stækkaðri rotþró t.d. með fjögurra hólfa kerfi.

Stefnt er að því að aðgreina grávatn og svartvatn frá nýjum byggingum til þess að minnka álag á rotþró.

Við íbúðarhúsin tvö (Íb-1) er gert ráð fyrir einni rotþró og við starfsmannahúsið (Íb-2) einni rotþró.

Við orlofshúsin er mögulegt að vera með eina eða tvær rotþrær.

Á tjaldflötum er gert ráð fyrir aðstöðuhúsi og rotþró við það.

Ef litið er til framtíðar er æskilegt að fráveita frá hótel og smáhýsum tengist fráveitukerfi fyrirhugaðs íbúðarsvæðis í Brúarlandi (merkt ÍB16 í Aðalskipulagi Eyjafjarðar 2018-2030).

Fráveita skal vera í samræmi við reglugerð um fráveitur og skólp nr. 798/1999.

### **3.10 SORP**

Gert er ráð fyrir sorpgánum norðan við hótel við aðkomuveg. Við íbúðarhús og starfsmannahús skulu vera tvö sorpílat við hvert hús.

### **3.11 FRAMKVÆMDALEYFI**

Áður en framkvæmdir hefjast við gerð vega skv. skipulaginu þarf að sækja um framkvæmdaleyfi hjá sveitarfélagini. Í umsókn um framkvæmdaleyfi skal m.a. lýsa fyrirhuguðum framkvæmdum, eðli og umfangi þeirra, áætla framkvæmdatíma, skila inn yfirlitsupprætti, afstöðumynd og hönnunargögnum.

### **3.12 BYGGINGARLEYFI**

Aðalupprættir skulu vera í samræmi við meginmarkmið deiliskipulagsins, skilmála þess, byggingarreglugerð og önnur lög og reglugerðir sem við eiga.

Á aðalupprætti skal rita efnis- og áferðarlýsingu þar sem viðkomandi mannvirkjum er lýst s.s. burðarvirkjum, ytri frágangi og efnis- og litavali.

Á aðalupprættum skal gera grein fyrir lóðarhönnun, núverandi og fyrirhugaðri landhæð lóðar og helstu hæðarkótum. Lóðarhæðir á lóðamörkum skulu sýndar á sniðum og útlitsmyndum eftir því sem við á.

Lega allra lagna skal sýnd á afstöðumynd.

Stærðir skulu tilgreindar í skráningartöflu sem skila skal á rafrænu formi. Að öðru leyti vísast til kafla 4.3 í byggingarreglugerð (nr. 112/2012 m.s.br.).

#### **3.12.1 VINNU- OG SÉRTEIKNINGAR**

Sérteikningum skal skila með undirskrift hönnunarstjóra til byggingarfulltrúa til áritunar sbr. grein 4.1.2. í byggingarreglugerð.

## 4 UMHVERFISSKÝRSLA

Að mati Skipulagsstofnunar (tölvupóstur dags. 03.03.2020) falla fyrirhugaðar framkvæmdir undir tölulið 12.05 í 1. viðauka laga um mat á umhverfisáhrifum nr. 106/2000:

*þjónustumiðstöðvar fyrir ferðamenn á hálendi og á verndarsvæðum á láglendi utan þéttbýlis, orlofsþorp, hótel og tengdar framkvæmdir utan þéttbýlis.*

Framkvæmdaraðili skal tilkynna Skipulagsstofnun um fyrirhugaða framkvæmd og mun Skipulagsstofnun taka ákvörðun um hvort framkvæmd skuli háð mati á umhverfisáhrifum.

### 4.1 STAÐREYNDIR OG MARKMIÐ


Skipulagssvæðið er með um 13% landhalla. Golfvöllur var gerður á gömlum framræstum túnum. Töluverð gróðursetning trjá- og runnagróðurs hefur átt sér stað á svæðinu. Í Aðalskipulagi Eyjafjarðar 2018-2030 er skilgreining á góðu landbúnaðarlandi m.a. að landhalli sé minni en 12% og að landbúnaðarland nái 1 ha. Skipulagssvæðið telst því ekki vera gott landbúnaðarland.

Leifsstaðir er sveitahótel með landsbyggðareiginleika en í nánd við þéttbýli og þjónustu. Fjarlægð Leifsstaða frá miðbæ Akureyrar eru 5,9 km en þar er alþjóðaflugvöllur, sjúkrahús og fjölbreytt þjónusta.

Markmið skipulagsins er m.a. að byggja upp fjölbreytta gistimöguleika. Uppbyggingin mun styrkja rekstrargrundvöll hótelsins. Að óbreyttu má gera ráð fyrir stöðnun á rekstri þjónustuaðila.

### 4.2 AÐLIGGJANDI LANDNOTKUN

Aðliggjandi skipulagssvæðinu er landbúnaðarland í suðri, íbúðarsvæði í vestri og verslun og þjónusta auk íbúðarsvæðis í norðri. Áhrif af uppbyggingunni og starfseminni eru talin óveruleg og samræmast framtíðaráformum um landnýtingu aðliggjandi svæða.



14. mynd. Skipulagsuppráttur lagður ofaná breytt aðalskipulag.

## 4.3 UMHVERFISMAT

Við vinnslu skipulagsins voru valdir umhverfisþættir sem líklegir voru til að verða fyrir áhrifum með framfylgd skipulagsins og áhrif á þá metin. Áhrif eru metin sem jákvæð (+), neikvæð (-), óveruleg (0) eða óviss (?).

		Umhverfisþættir					
		Vatnafar	Gróður og dýralíf	Efnahagur og atvinnulíf	Byggð og efnisleg verðmæti	Fornleifar	Landslag/ásýnd
Áhrifavaldað	Uppbygging ferðaþjónustubygginga	0	0	+	+	0	+ -
	Landmótun vegna ofanvatns	+	0	0	0	0	+
	Landmótun vegna tjaldsvæðis	0	0	+	0	0	0
	Íbúðar- og starfsmannahús	0	0	0	+	0	0

### Vatnafar

Landmótun vegna ofanvatns er fyrirhugað þannig að núverandi skurðbakkar verða gerðir meira aflíðandi og farvegir fái náttúrulegt yfirbragð. Regn- og jarðvatni verði stýrt frá húsagrunnum og veitt í fleiri farvegi en nú og svigrúm gefið til uppsöfnunar í tjörnum til að taka við vatni í leysingum og mikilli úrkomu. Þannig er dregið úr hættu á flóðum t.d. í vorleysingum. Áhrif af skipulaginu eru því talin vera jákvæð.

### Gróður og dýralíf

Engin áhrif eru talin verða á gróður og dýralíf frá núverandi stöðu. Tekið verður mið af núverandi trjá- og runnagróðri sem er hluti af umgjörð svæðisins.

### Efnahagur og atvinnulíf

Uppbygging ferðaþjónustu á svæðinu er talin hafa jákvæð áhrif á efnahag og atvinnulíf. Framboð þjónustu verður fjölbreytt sem ætti að ná til ólíkra markhópa.

### Byggð og efnisleg verðmæti

Sú uppbygging sem mun eiga sér stað mun auka efnisleg verðmæti á staðnum.

### Fornleifar

Fyrirhugaðar framkvæmdir eru allar utan friðhelgunarsvæðis fornleifa.

## Landslag/ásýnd

Gert er ráð fyrir töluberðri uppbyggingu á svæðinu sem breytir yfirbragði þess.

Gamla hótelinu er gert hátt undir höfði og mun það áfram vera „andlit“ staðarins. Breytt aðkoma gerir það að verkum að umferð er dregin frá framhlið hússins og ný viðbygging getur risið bakatil.

Þyrring af gistihýsum er slitin frá hótelinu og mun mynda ákveðna heild. Norðan við þyrringuna er gert ráð fyrir verslun og þjónustu á aðliggjandi landi. Það má því búast við frekari uppbyggingu í landi Brúarlands.

Íbúðarhús og orlofshús eru í rjóðrum og landslagsrýmum sem mótaðir eru gróðri og landslagi.

Áhrifin geta talist jákvæð að því leyti að áfram verður áhersla lögð á sveitayfirbragð á svæðinu en neikvæð af því yfirbragð landbúnaðarlands mun breytast.

## 4.4 VÖKTUN

Ekki er talin þörf á sérstakri vöktunaráætlun vegna skipulagsáformanna.

## 4.5 SAMANTEKT

Uppbygging skv. skipulagsáætlun mun hafa jákvæð áhrif á efnahag og efnisleg verðmæti með uppbyggingu og atvinnusköpun. Mælikvarði áætlunarinnar er í samræmi við kvarða aðliggjandi landnotkunarflokkum en þar er gert ráð fyrir verslun og þjónustu (hótelstarfsemi), íbúðarbyggð (um 60 íbúðir) og frístundabyggð (31 hús).

Ekki er talin ástæða til að fjalla ítarlega um aðra valkosti en ef lítið er á nállkost má gera ráð fyrir stöðnun rekstraraðila líkt og áður kemur fram.

Við staðarval gistihýsa var lítið til þess að verslun og þjónusta er áætluð norðan þeirra, íbúðarsvæði er áætlað norðan íbúðahúsanna tveggja, óbyggt svæði austan orlofshúsa og landbúnaðarland sunnan tjaldsvæða. Það liggur því vel við að raða fyrirhugaðri starfsemi niður á landspilduna í samræmi við landnotkun á aðliggjandi svæðum.

## **5 KYNNING OG AUGLÝSING**

---

### **5.1 LÝSING**

Unnin var lýsing á skipulagsverkefninu skv. 40. gr. skipulagslaga nr. 123/2010 sem send var Skipulagsstofnun og öðrum umsagnaraðilum. Lýsing vegna breytingar á aðalskipulagi var kynnt í nóvember 2019. Athugasemdir bárust frá Umhverfisstofnun og Norðurorku og var brugðist við þeim með viðeigandi samráði.

### **5.2 SAMRÁÐSFUNDUR**

Þann 8. apríl 2021 var haldinn fundur verkkaupa, skipulagsráðgjafa og starfsmanna Norðurorku vegna vatnsveitu að Leifsstöðum. Niðurstaða fundarins var sú að Norðurorka myndi gera áætlun um öflun vatns á svæðið í samræmi við áfangaskiptingu uppyggingaráforma.

### **5.3 DRÖG AÐ DEILISKIPULAGI**

Drög að deiliskipulagi voru kynnt skipulagsnefnd \_\_\_\_\_.

### **5.4 KYNNING Á DRÖGUM**

Drög að deiliskipulagi voru kynnt á heimasíðu Eyjafjarðarsveitar og í staðarblaði þann \_\_\_\_\_.

Tillaga að deiliskipulagi var samþykkt til auglýsingar í skipulagsnefnd \_\_\_\_\_ og í sveitarstjórn \_\_\_\_\_.

### **5.5 UMSAGNARAÐILAR**

Eftirtöldum umsagnaraðilum var send tillagan til umsagnar:

- Skipulagsstofnun
- Umhverfisstofnun
- Norðurorka
- Rarik
- Minjastofnun Íslands
- Heilbrigðiseftirlit Norðurlands eystra

### **5.6 AUGLÝSING**

Deiliskipagstillagan var auglýst með athugasemdahesti frá \_\_\_\_\_ til \_\_\_\_\_. \_\_\_\_ athugasemdir bárust.

### **5.7 AFGREIÐSLA ATHUGASEMDA**

Skipulagstillaga var afgreidd á fundi skipulagsnefndar \_\_\_\_\_.

Athugasemdir, sem bárust á auglýsingatíma gáfu (ekki) tilefni til breytinga á skipulagstillöggunni.

### **5.8 BREYTINGAR EFTIR AUGLÝSINGU**

## **6 AFGREIÐSLA OG GILDISTAKA**

---

Deiliskipulag þetta var auglýst skv. 41. gr. skipulagslaga nr. 123/2010 frá \_\_\_\_\_ til \_\_\_\_\_ 2021.

Deiliskipulagið var samþykkt í skipulagsnefnd þann \_\_\_\_\_  
og í sveitarstjórn Eyjafjarðarsveitar þann \_\_\_\_\_

---

sveitarstjóri

Gildistaka deiliskipulagsins var auglýst í B-deild Stjórnartíðinda þann \_\_\_\_\_

## **7 HEIMILDASKRÁ**

---

Hákon Jansson. 2019. *Fornleifaskráning vegna deiliskipulags á Leifsstöðum 2 í Eyjafjarðarsveit.*  
Búnaðarsamband Eyjafjarðar, Akureyri.